

聖明裁處其叅稱本府署教授典伏張福不合阿諛听從扶同  
作弊事屬違法律合提問欵仍行本司行提張福到官  
問擬如律照例發落弘治三年三月二十七日日本院右  
都御史屠 等題奉

聖旨是題鍾鏑奇浥奇渴節次重出領狀冒支官糧好生不遵  
祖訓就將他每祿米每歲革去十分之二分以示懲戒今後將  
軍儀賓有犯的都照這例欵此

兌運官軍押和沙土抵數送問

弘治三年九月二十日戶部等衙門尚書等官李 等  
提為公務事該漕運總兵官都督僉事 等赴京各將  
地方應議事件聞奏并出到部會同各部都察院太子  
太保吏部尚書王恕等議得一件該納糧米務要照依  
原兌糧米乾圓潔淨每石兌運加耗七升改兌加耗四  
升遮洋船照舊支運一尖一平上倉若官軍人等將原  
兌好米沿途糶賣却糶陳腐濕碎及揀和沙土糠粃粗  
穀等項抵數者收糧官員辨驗得出就呈管糧內外總  
督官將原運軍旗先送刑部指揮等官叅

奏送問該部查照侵盜邊糧事例問擬仍將各犯押回本  
部送倉易換好米上納前件准擬節該奉

聖旨是欵此